

獐

園

繪園第十二目錄

淫祀

五郎神一

五郎神二

五郎神三

五郎神四

五郎神五

五郎神六

五郎神七

五郎神八

五郎神九

五郎神十

五郎神十一

五郎神十二

五郎神十三

五郎神十四

五郎神十五

五郎神十六

五郎神十七

五郎神十八

五郎神十九

游方五堅

樹頭五聖

花花五聖

圈頭五聖

簷頭五聖

宋相公一

宋相公二

宋相公三

槎花馬公

二郎廟

金小一總管

草鞋三郎

百花大王

楠木神

花閨索

狂礎神

濟河神

絳冠紫帔神

盧狗大王

藤溪神

社公

山王

蘆王

牛王

蛇王

金公鬼

武婆

繪圖第十二目錄終

繪園第十二

明吳會士人錢希言新譔
宛州尚書郎馬之駿校錄

淫祀

五郎神一

相傳蘇州府學是文正公故基因相地當出科甲最
繁遂捨為學宮初五郎神謀得其地為廟數之作崇
脩極擾亂公不聽一日公坐燈下讀書神乃鬼嘯于
窓前左右咸怖公若罔聞其神從窓中伸一掌入掌
有毛甚可駭公取案頭丹筆書山字于中其掌便縮
不去作聲哀鳴公問汝是何鬼應云某果山魃木客

之屬見公甲第崇敞地形豐隆矣欲馮藉寵靈與起
為香火之地形豐隆崇觸忤已多望公見恕出我公
前程遠大某不敢復犯矣公叱而語曰上方山風水
最佳名為酒池肉林可速詣彼掘之因又書一山字
于其下合之乃出字也掌遂得出自此怪絕明日五
即便降神于紫薇村中將居民反接跪地遂為立廟
淫祀至今不絕夫非范公之言作之俑乎

五郎神二

蘇州韓襄毅公未過時相傳為同學諸生所紿夜持
周易赴府學尊經閣上遇五郎神稱為都憲公與之
讌飲既醉從席間懷金巨羅以歸明日南濠張氏富

室女病為神所馮、醫術莫愈、韓袖巨羅入其家、謂主人曰、君女聽我為婦、^當為治之、主人珍重辭謝、乞哀相救、願以女充箕箒、裴毅乃索筆大書于背曰、韓雍妻、不可欺、應手而愈、于是主人素聞韓名、即輟盛粧以女歸、明年韓果擢第、矣、後果為國朝名都御史、

五郎神三

封門彭城秀才某、嘗因無子、禱于寶林周宣靈王廟、籤訣中有一朵金蓮、驀地開之句、不曉所謂、意欲尋訪人家、或有婢名相合者、可娶為妾、後為其婦頗妬、不諧、茂陵之聘、婦年三十許、人微有姿態、辛亥歲、忽為五神、即所馮、意慮失常、夢魂恍惚、常與神遇、神亦

時：降于其家衣錦袍乘白馬或挾彈弓若貴介公
子狀騎從繁多又或御車飛蓋自簷端下詣密室秀
才借憲肄業一日偶歸見房門扃鑰甚固有兩女鬟
年可十四五覆髮被肩容姿妍冶着鳳雲縷半臂夾
侍于門外訊其名一鬟荅曰金蓮俄而遂失所在秀
才大驚有頃神見形如人出坐堂中召秀才諭之曰
君婦前生與我伉儷今冥數又合為妻可速粧梳相
携而去秀才叩懇舉家哀祈乃許諾云且暫諧匹偶
却後五年當來迎矣後信宿輒來每至則屏帳茵褥
珍怪之食陳設炳煥皆非人間所有婦便欠伸呵噫
起入帷中侍者竊聞狎昵歡笑之聲踰于人間夫婦

既展綢繆良久方去秀才惧禍又利其贈遺之隆竟不敢與婦同寢處矣其家每日供具飲食悉是神為致之神或不至時有異味相餉從空而下牽家不測所從來也本戶有官逋五金無辦縣貽督迫忽案上鏗然有聲視之則銀一錠恰秤得五金有奇適符其所逋之數遂輸長洲庫中婦聞鄰近丁孝廉家歲有入闕之使常携鮮荔枝北還得善藏法啟甕如新時方五月輒向神前索之神云甚易耳少待三日須道人覓至也如期婦晨起臨牀已有一珠紅合子置粒臺上矣開視之果得輕紅十五雙聲嗽如從樹頭摘

下者合子益犹帶露痕如是凡所需索與不立應家
漸豐饒隣人貧者聞而艷為側近有五龍堂前一家
夫為府書佐婦亦喜淫藉此神以肥家至今數年往
來不絕虞山有衣纓之孫不斥其名嘗繪神像于後
樓弄家事之以禳沒頭冤鬼後遂誨淫數見形往
來日費狗血數升倫為厭術終不能遣

五郎神四

獨脚五郎名一足鬼楚中亦處之有之白香山送人
入楚詩云山鬼跳踯惟一足陸氏庚巳編云即古所
稱夔一足者是矣彼中或稱為蕭公正所取山蕭之
義耳桃源江觀察盈科曾話其里中亦有此鬼性好
淫凡婦女與交合事之如事其夫直所欲必致金珠

綺繡不遠千里應聲而至少拂意便舉火焚室廬覘
察徃有宗人江祿者獵于深山之中宿夜民家五鼓
起見其床頭挂豚蹄一肩上用湖廣稅課司條記印
痕尚濕祿怪而問之曰省城道路甚遠安得頃刻及
此主人具述所由益其家事鬼即鬼所搬運者也

五郎神五

高郵李甲之婦年未三十而孀居止一子乳名毛保
方十五歲婦有美色夫死之後遂為五郎所挾無計
驅遣數移居以避之其神蹤跡而采晝夜現形恣其
媒狎心有所欲空中下之因婦有服遂致素繒練絹
一切幃茵寢玩之具雖有文繡不施錦綵送錢動以

萬計他物稱是一日婦欲得金步搖金爵釵向神索
取神曰往見蘇州太守舍中有家婦所戴首飾頗極
華美往可竊而取也三日後神還足跛矣問之曰已
得首飾過堂西小閣子下遇一黑面長鬚人手持鉄
簡擊某被傷左股楚甚後又遇兩金甲神長數丈其
惧便投所竊物于井中而出為幾喪軀矣毛保方抱
凱風之恨適于隔壁聞言欲驗五郎所惧者何神也
遂趁舡下蘇州投入府署謁一掾吏具述其故掾吏
曰果有之止毛保于家入白太守舍中遣人入井撈
桑果得步搖爵釵之屬宛然在焉推驗黑面長鬚人
乃是壁上所帖鍾馗而兩金甲神者疑即府署所繪

門神也、太守召毛保、厚給資斧而還、下令欲毀其廟、
左右數諫乃止、毛保遂出金買大匹紙三番、後蘄州
画工圖爲一鍾馗、面金甲神、雄毅非常、到家揭之于
門、五郎見之、凜然終不敢入、召婦于門外、謂曰、向擊
我、及我所遇于太守舍中者、正此輩也、鄉兒爲戲一
何酷耶、與婦嗚咽而別、自此杳然、

五郎神六

壽州正陽鎮有沈氏女郎、容姿甚麗、好衣緋、立于門
見一少年挑之、遂避入俄、而少年徑入寢榻之前、女
卽且罵且拒、少年大笑曰、我天人也、與卿有夙緣、慎
無間阻、卽升榻共偶、女郎力不能禁、遂與通焉、歡洽
之際、無異世人、平曉別去、出金鳳釵二股、留爲信物、

至夜又持二百金來囑曰、此東鄰龔家筭中物、可從容用度、勿以語于外也。兩月之前、龔家果失筭中二百金、封識宛然、不測何術以取。後述于兄嫂、秘其事不言。女郎既已失節、兄嫂復利貨財、信宿往來、各無猜忌。未幾女郎出嫁、鬼亦便絕。

五郎神七

紹興會稽縣五顯坊編戶沈家、許願五郎神。每夜設酒食五筵于池亭上、如邀大賓之禮。張燈列燭以伺之。筵皆偶坐、五鼓方散、杯盤狼籍、日以為常。稍不豐潔、即被訶責。其家亦當有小不安、所得贈遺金錢琛

貝寶玉明珠異繒名錦之屬無算車騎鼓吹驚聞于鄰至今不絕鄉人祝良柱說之

五郎神八

吳山西黃村木工小玉入城晚歸逢一鬼使皂衣赤腰襖木工不知其非人也問何往曰黃村工喜曰某亦欲歸黃村請便同行數里終抵村天漸際暗鬼使指村口人家謂木工曰鄉思酒食乎吾能詣彼取之木工曰幸甚見其入門少頃携一大嬰酒及一羹繼來二人偶坐地上共噉畢謂木工曰鄉少待吾于此有小勾當欲了也木工便取酒嬰納藁積中立而伺之忽見院內擲出一人手足束縛甚固俄而鬼使

亦自牕中跳出負之而去竟不顧其行如煙霍然不見便聞屋內哭聲木工知所遇非人因爾絕走還家向晨往視村口人家主人公夜死矣問嘗失物乎曰昨祭五聖失去一罌酒一羹雞木工乃探藁積中出罌界之皆以鬼使之故大小皆驚

五郎神九

蕪城賜酒巷徐秀才汝礪家舊有五聖叢祠近因改宅遷毀致其神日夜作耗中庭種一欄桅子花常聞欄邊起歌吹聲家人驚異莫知所在及審聽之乃花中出也或時作靈語云我無栖止依草附木奈何見驚秀才父大怒之秘不外說鄰人徐璉言

五郎神十

蕭唐宋氏側近張家婦有姿首五郎神降其家如數月顯然來遊嘗下酒啖與婦飲食家自此驟起後婦忽生外意便絕往還亡何百日空中割去雙乳莫知所從來也此婦至今胸上有瘢孝廉懋澄所談

五郎神十一

無錫縣陸阿觀昔為茂安鄉座客茂鄉死復游秦中丞諸郎之門因移家住其別業有女未字忽為五郎神所馮每夜來降即現形狀如美少年女亦荏苒同心焉却令阿觀在房外搬銀大小錠數累滿箱因下鎖鑰甚固明晨啟視空亡有矣如此數日阿觀怒

媛其女子遠方羔雁既至、灵跡遂絕、余所親王穉庸
與阿觀善、而說數年前事也、

五郎神余二

蘇州城閭門四牌樓下、新安太學謝之翰為監、賈有
女宝容、九歲時常見衣緋貴人、登其家月臺、覲望不
知是妖魅也、數與之戲、至十三歲時、即為五郎所憑、
神情失常、形如黃葉、日食大棗三枚、以杯水下之、更
不進餘物、如此者四年矣、

甲寅十一月東
匡師朱九成說

五郎神十三

蘇州山塘全大用、為象山尉、有贅壻江漢、年弱冠、風
儀不下、遂與五郎神遇、綢繆嫵婉、情甚伉儷、其室人

竟不敢與夫同宿。江郎病瘥，日甚。全氏設茶筵，譙之，終不能斷。丙午歲，遇異人，飛篆釀除，遂爾絕跡。

五郎神十四

長洲縣隸人顧孝，住醋坊巷。壬寅年，為長郎娶婦，自幼與五郎情好。

俗言服聖

其夜花燭初陳，空中微起靈風，

吹燈滅燭，持兵仗與長郎暗中格鬪，倚衛無數，反閤

其扉。父母親戚並莫能入。明日迎道流過，張王府基

忽有兩胡雉，形貌醜怪，遙前謂曰：「君莫往，與人聞事。」

顧家新婦寔先許配寒門，何故見奪？言訖不見。須臾

其女在帳中望見道流至，面赤發怒，向壁而寢。少時

暴亡。

五郎神十五

蘇州屈家橋賣繒沈輔臣三子娶三婦並為五郎所擅其大婦寢瘵已深精神恍惚忽一日晨起梳妝甚整登樓命女奴捲簾曰意外一簇鼓樂騎從來也女奴曰娘子病狂耶清天白日何有此事逡巡又曰兒上轎子去也端坐而卒平居凡有所欲隨心而至或空中下之親鄰往來無不皆見

五郎神十六

蘇州倉橋頭釀家沈承傳生女觀奴自幼端潔戊午年十九歲笑忽遇五郎出金絲為聘贈遺甚多其夜便留歡狎所欲無弗遂也爾後觀奴閒坐常有蝴蝶

為使往來帳前俄頃、車騎威儀至矣、其家以此為候、

五郎神十七

蘓州太瀆鎮殷甲、開油車先與同里周二結為兄弟、
乙死甲妻續亡、萬曆甲辰甲遂娶乙婦談氏為妻、談
氏又先奉事五郎、于是頻降作耗、乙復來助、拉擺紛
鬧、晝夜不安、甲無奈何、迎請匡師、道流百計、收之莫
能折絕、忽一日、談氏在內、併當箱篋、取出紫襪襠石
榴裙、淡黃帔子、下至絮綵袍服、一裂碎、縱火焚之、
揚灰散盡、無復存者、時中秋夜、月色甚皎、連呼取轎、
開門而出、家人跡之、奄爾不見、還視其屍、宛在床也、

五郎神十八

正德中、永州副使吳寧之弟秀才吳二郎、少好弄聞

人言服藥可以視鬼遂覓藥服之甲戌秋果有鬼物
降于家昏黃始來不數日遂去至乙亥春正月復來
其神粧束如帝王之狀戴金頂冠着絳絨袍少頃又
有衣青者衣黃者衣白者衣黑者四人至其婦立人
亦如后主容飾後騎皆婦女才官執幢持戟約四十
餘人夜則居于小樓擊鼓吹笙供帳煥麗人見其所
着之靴華美請而觀之神自櫺窗擲下紅罽襪金絨
靴其中氣猶煖也諸婦垂手膝下明如軟玉後二郎
友子舉子楊宗厚請見其手微爪傷之神怒遂命焚
吳氏之宅凡十餘處火起俄而二郎飲恨以死

五郎神十九

萬曆壬寅蘇城查家橋店人張二子年十六、白皙美
風儀一日遇五郎神見形其家誘與淫亂大設珍饈
多諸異味白晝命手力置燒鰻數器酣讌歡呼倏忽
往來畧無嫌忌後忽欲召為小胥限甚促父母乞哀
不許尋而其子死焉三月之間人亡家破

游方五聖

楞伽山在吳縣西南俗名上方有五聖廟在焉管絃
填咽酒肉滂沱每歲烹割害命無數山下田夫紅婦
往往夜見燈燭人馬出沒石湖煙霧中有五丈夫執
弓挾彈擁騎從姬侍張樂設讌于田間若貴介少年
伏亦聞用王首或義化召持方五聖

樹頭五聖

蘇杭民間、凡遇大樹下、架一矮屋如斗大、繪五郎神
母、子、弟、兄、夫婦于方版上、設香燭供養、以時享之不
廢者、此名樹頭五聖、

花：五聖

吳俗、花痘之家、必供五郎神于堂、既兆吉、具牲牢獻
之者、此名花：五聖、

圈頭五聖

賣漿家、養猪收豕、必于牢檻之側、造小櫺、供養五郎
神于中、夫婦養礼、祈求血財豐旺、賣猪訖、則豚蹄盂

泰以祀之有一等窮五郎享其祀富五郎所不屑受也此名圈頭五聖

簷頭五聖

人傳五郎神常自簷而下或夜宿人家簷間俗所謂簷頭神者此名簷頭五聖

宋相公一

閤門外宋相公廟舊多靈異萬曆近年間有撐船水夫送船到京將子吳使下張家灣覓載見一画舸中有貴人皂帽緋衣容狀豐偉手力十餘人挂帆將發此人因懇求寄乃令坐梢棚中其人以草履挂棚上將所持襪作枕而寢須臾睡熟但聞有聲飒若疾風

驟雨明晨夢覺見已身臥于草叢之中風露滿身起
視其地已在楓橋顏家場上矣獨怪之急行至閤門
偶憩宋相公廟忽見梁上小船梢挂一草履宛是隔
夜所寄者仰視神貌若所見舟中也侍衛土偶皆泥
濕如汗船底猶漬水痕

宋相公二

宋相公廟在度生橋西相傳是水府之神或云其神
主殺故為五郎部下傷官而東北亦有廟以崇戮人
于其地也隆慶中齊門內鄧祭太守夫人疾篤夜召
坐者祭祀天下神祇有天妃宮前頑子章鄰家愚少
夜醉方上新橋忽見橋上皂帽人朱衣白馬而來惡

少不知其神也。舉手格之神發怒而去。明日五更神降其體作狂語云：我赴邠家夜宴，汝何故手格我言畢，衆見此鬼少反接自縛，飛走出閭門，徑入宋相公廟中，榜掠無數，體無完膚。子章輩數十人具酒牢入廟交口哀祈，許以其身捨為神，缸水手乃止。至今船上祀舵，鬼少是也。

宋相公三

蘇州盤門內薪橋堍下有宋相公廟一小間，不知何年所造，側近薪橋弄中住店人金世隆，其孫阿二八歲痘亡，月夜還家，呼其父母，隔窓而語曰：兒即在宋相公廟前，死後便有三身：一身廟中驅使，一身常在

對河與群兒嬉戲、即又見所死之一身、前日焚化、今
伴侶最多、所與阿二遊者、皆平居里巷中狎昵羣兒、
差不寂寞也、據此、則宋相公為水府市曹之神、宜聰
明、宜正直、亦下同淫厲、噉無罪小兒、彼天聽雖高、不
虞九閻一叫乎、唐小說柳家觀之之事、不厚誣矣、許
生國光與金為鄰、述其事、

棉花馬公

蘇城花筵中、以棉花馬公為新郎、部下傷官巫祝、稱
為馬福總管、俗呼之為馬阿公、別置矮席、先祭享之、
勿送、去然後登歌、相傳馬阿公有葑門人、以賣鮮
菱為業、每晨擔菱出閭門、經過山塘、宋相公廟、必擇

取其大者一雙為供，日以為常。最後暮年與人爭擔，
鬪擊不能勝，怒而登減渡橋，自殺于水。適宋相公神
舟過橋下，收于帳前，驅使吳俗敬其正直。凡開張鋪
肆者，龜事于家，朝夕祈禱，以肯嘗為擔人，又名福也。

二郎廟

相傳灌口二郎神在四川成都府灌縣，香火甚盛。今
吾吳葑門內水中漲一小洲，其方廣不踰數弓，土人
立二郎廟于其上，殿堂甚湫隘，臨水開窓，如人家齋
舍。一楹神像亦小，長可二尺許，着金兜鍪，衣黃袍，坐
帷帳中。而香火之盛，莫與比。有自春徂冬，祭享不絕。
瘡疾之家，許一白雞還願。既瘥，乃宰雞往獻。又裹麵

為餅以飼廟中白犬尚白者、豈謂蜀在西方、取義于
金、以神其說、欤此不可曉、宋朝有紫羅蓋頭詞話指
此神也、又傳六月廿四日是神誕生之辰、先一夕便
往祝釐、行者竟夜不絕、妓女尤多、明日即劇錢為荷
蕩之游矣、吳城輕薄少年、相挈伴侶、宣言同往、二郎
廟裏結親、一進廟門、便闖入珠翠叢中、雙拜雙起、曰
以為常神、亦了不為異、若果清源真君、安得不降之
罰乎、疑是花木之妖、尸之笑、誣淫敗俗、莫此甚焉、未
知作俑于何年也

金小一總管

數年前、西閭衣纓之族、有家監住田莊上、生子年十

四、容姿端雋。一日遇道人過門，撫其頂曰：「此兒有神骨，宜保護之。」未久，忽病，寢劇。其母與城中女巫交，徃急召巫至。巫忽作靈語曰：「金小一總管為上帝所譴，盤門外有廟，無神，議使卿子補職，名已去，非可救者。」速備金冠、玉帶、衣以綠袍，緣以錦繡，送死之禮。一如神明，且迎者至，笑言訖，斯須聞陌上鼓吹之聲，隱隱到門。其夕便卒。父母痛悼過哀，悉依女巫言殮之。

草鞋三郎

杭州府有草鞋三郎廟，頗有靈響。公門伍伯巡邏游徼之屬，家祭戶享，稍不敬，便罹官災。相傳草鞋三郎，即古盜跖是也。

百花大王

蘇州府治即春申君所造相傳為桃夏宮是也舊志
郡國地甚廣前臨池光亭後抵齊雲樓唐朝木蘭堂
止在郡國之西圖中有土地神祠名曰百花大王宋
淳熙中韓彥古欲毀之左右並諫遂不果嘉定中重
建今雖廢而民間尚有祠百花大王者

楠木神

湖廣襄陽道中襄河數十里有楠木神最靈商旅行
舟觸之皆碎過其地者必祭禱之相傳是估客因風
散簾失此一本無獲歲月寢久便成精怪衆以其福
福如神因共而置屋立廟號為南君不知何年代也

花閨索

雲貴間有閨索祠幾處相傳一鉅纆常夜作聲時人以為靈響于此建屋立祠名曰花閨索衣冠鐘鼓千年不斷往來行旅莫不禱祈至今尚在傳奇小說中常有花閨索不知何人東瀛耿駕部橋少時常聽市上彈唱詞話有兩句有云在橋樣小花閨索車輪般大九條筋後以語余共相擊節

柱礎神

盤門內故有子胥廟前有橋號廟地^橋名廟灣臨河舊立小石幢一座幢下有黃砂石一塊長可一丈廣不盈二尺乃是牌坊柱礎不知何代物也村郭之間入

城者經過其地必祭之。靈應非一。酒肉不斷。紙錢草履之屬。來者轉多。不敢触忤。夏侯橋民張舜自云是禁衛千侯。曾隨大將東征。聞白素以膽力自雄。行過其地。問此石何有神。采乃祭之。耶。祭者搖手具言其靈。舜曰。吾何畏此。乃殘溺其上。溺乍畢。覺已背如有物擊之者。大呼而顛。溺于地。衆為之請。踰時乃蘇。自此益見神于村民。靈聖不復絕矣。

濟河神

徽州商賈凡所託行。販之僕俗皆呼為小郎。數年前有某商小郎溺死于山東濟河。後飛神還家。附于商之子。通姓名而言曰。某販貨還至濟上。溺水死矣。貨

本是同伴所收某游竟無倚因見河邊有小水神廟
神還將哀某與擊鬪數日勝之推仆于地奪其位而
坐其神今已他適矣某暫潛歸報于主人欲索皂冠
朱衣革帶如神明之服焚之某使得去其地為神不
復再來矣言訖嗚咽商急製與焚罷遂絕響

絳冠紫帔神

明州屠小儀隆令青浦時夜曾以禱兩宿城隍廟中
上床脫袴時覺其魂神欲出口不能言及倚床坐定
身在簷外矣強引還房又竟出如是數四頃臾聞有
排門聲怪之忽見一長神絳冠紫帔狀若方相兩目
圓鉅電光射人還前立于床下直視小儀小儀自定

其心正襟危坐而言曰某為縣令可對白日青天是
何妖神故相簸弄乎生心持不貪生不怖死六字而
已言畢此長神便請退初欲相凌見小儀神氣湛然
不可得乘遂俯身抗手而滅小儀便覓魂神丹入
被中漸能微動如初亟呼卒吏共起挑燈詰其覓視
門牖悉鏽如故不測何來乃知祠廟皆鬼神所寓余
影或愧便為迷惑丁酉秋在其家絳雪樓中說此

盧狗大王

鄒希孟為蘇州府廳吏萬曆辛丑隨郡丞盤庫常州
駐劄御史行署有大樸樹可二十圍中有盧狗大
王巢孟不知也日就樹下蹊溺為常一日天向晚矣

孟與書佐會飲醉後唱歌復往其處溺焉未至樹下
空中若與人格鬪狀衆見繩繫孟頭懸着樹杪大駭
狼狽下之既下語言失次游走不定被髮徑詣廳東
藏匿于公座下口中操常州之音自責曰汝為府吏
何得離肆無忌至此樹上乃大王所居踐溺其下理
乎今着我曹追汝因誦帖子語云盧狗大王遣手力
錢金追錄犯吏邠希孟并妻顧氏子阿官等家口名
姓悉在帖子上條次錄多故不曲載孟無計逃脫復
從公座下走出徑到樹前反接自縛跪泥淖中若人
擁之至者至此則樹神自作靈語循其喑啞之聲在
樹中出也此云吊起俄而孟聳身空中仍有繩繫頭

懸樹衆怖走不敢輟下。叱云去毛。俄見空中如人競
梓孟襲叱云掌嘴。俄又聞空中搏頰聲。于是書佐輩
齊跪苦祈望大王矜恕。候官人還衙某等敬具牲酒
代卹希孟謝罪。言既神復作語曰。若等將以陽官制
陰道乎。衆僉曰不敢。神乃許諾曰。汝曹並非佳人。止
憂某醇謹未嘗殘溺于汝也。可即着夏便如言疏狀
焚于樹前。孟蹶然仆地。少時便蘇。遍身皆桎縛痕矣。
郡丞歸。左右具述本末。大驚。命治具祭之。遂絕相傳。
常州人好殺犬以祭淫神。而犬名韓盧斯即犬妖所
作矣。

常熟顧孝廉雲鵬讀書滕溪莊、一夕微有月色、登東
頭小閣、手吟眺、忽見半山張家墳屋內、有朱衣大僚
二人偶坐、互相揖讓、庭中甲騎數十隊、列炬百行、旌
旗蓋幢、紛擁戶外、初謂縣大夫之游莊人進曰、此神
降也、宜避之、雲鵬略不介意、經數刻不散、倦極下閣
就寢、詰朝與客共詣張家墳、蹤跡之、見堂中供逆毛
三、總管白虎毛司徒、並是邪神、厲鬼蓋墳、客與土人
輪番賽社而延致于家者、又二載、雲鵬寢瘵而殂、

社公

徽州風俗、有社公社母淫祀、丙午九月、休寧縣某市
鎮富人兒、挾彈走馬、忽遇市中迎賽社公、縱馬上挂

錢數千、衝突而過、神巫遂發狂語云、當立降之禍、語未既、一老嫗猝至仆死、馬蹄下矣、明日里正陳狀于縣、富人賞三百緡、費訖、嫗復甦、

山王

嘉定縣唐垓家在江灣鎮、上年禾弱、寇明習書美父將與納質為吏、未果、嘗因送親故入城、行倦欲眠、暫憩几案、奄然如夢、見兩皂衣人牽馬來迎、初云是崑山城中貴人邀讌、垓使上馬、馳出嘉定北門、行半日許、乃達崑山、直入南門、延緣壞城而行、人跡所未嘗至、復有兩皂衣突出馬前、持帖子示之曰、吾屬奉山王命來取君、安得坐馬上乎、垓下馬、踏倒路傍、

引袖中赤繩數尺繫其頸牽至山王廟門下入跪于
庭見山王衣赭黃袍著金冠威儀甚盛謂玘曰聞汝
少年有書記之才故特相召立命玘掌四殿中十六
箱文書文書皆在竹筭中一一分明指而示之玘知
山王為崑山縣妖神也固辭其職泣而訴曰某少不
識文字豈諳簿牘望大王哀憐放釋往反可數十語
王怒便敕伍伯加刑榜掠無數備諸苦楚而玘執詞
愈堅言對有理王亦無如之何敕提置廊下別判帖
子令持去追某縣某人來約半日許追到一人其人
欣然拜命王喜即賜冠服交與十六箱文書領出王
乃敕前兩皂衣人送玘付土地司令其轉達東嶽還

魂既至嶽門、未得遽入、忽有出呼于門者曰、郎君安
得至此、認之、乃其家故奴某也。死具陳、本系奴曰、郎
君當復生矣、不必入廟、吾將護歸。死告以被杖之故、
脚痛難行、奴曰、無憂耳、當覓一舡相送也。遂扶地至
听下、見一舡頭尾空舡子在、掖而登之、縮脚而臥。奴
立于船上、不鼓櫂而自行、逡巡已到、又掖而升岬、回
顧間、舡與奴霍然不見矣。入門一跌而寤、以手捫四
壁、不可出、始知身在棺中。以足力蹴其板、家人驚而
啓之、視死已甦。死且四十七日矣。已又遇全真道士、
進以刀圭、須臾得活。續耳談記其事甚繁、此不曲載。

仁宗朝親騎千侯孫表出使琉球路經白石磯見其
地蘆葦蒙茂中有一蘆叢鉅孫戲之曰可稱蘆王遂
去其後此蘆作柴據蟬往來咸謂之神宰牲祭祀稍
有不虔便遭風波震驚於是海上人依洲起屋目為
蘆王廟如此積年孫使竣來還見之笑曰此我昔日
戲言豈有神乎遂命焚毀乃絕

牛王

北方有牛王廟有客見之云画百牛于壁而牛王居
中間問牛王為何人廟祝曰丹伯牛也饗祀不絕

蛇王

蘇州城東委門內舊有蛇王廟負城臨水常年葑門

外捕蛙船數百艘各舁持短青竹竿子并牲酒飯馬
來獻已復持去每夜用此竿子開路一切蟒毒蛇
爾歛跡得以捕蛙無患其不祭者神立祟之蓋妖鬼
之與非一日矣近不知何人廢廟淫響都絕四境帖
然

令公鬼

粵西風俗病祈鬼神臨桂靈川與安陽朔之間多祀
令公鬼各起靈廟簫鼓牲牢之祭不絕于庭

武婆

粵西民間喜設淫響之事中秋宴會家祀武婆謂唐
明空也臨桂靈川與安陽朔永福古田間其俗尤盛

村落皆立武婆祠矣

武則天之女乃之目皆望此廟

繪圖卷之十二終

繪圖第十三目錄

奇鬼

靖江縣鬼戲

攬金鬼

瞽人遇靈鬼

沒頭鬼

醫遇鬼

看戲鬼

鬼擊道士

鬼籠

牛鬼變鬼

百歲骷髏

鬼足代薪

討替鬼一

討替鬼二

討替鬼三

討替鬼四

討替鬼五

討替鬼六

討替鬼七

寄渡鬼

呼雞鬼

鬼哭

路鬼

鬼相戲

俞生遇鬼

竹林冤鬼

痘鬼

鬼相語

龍源澗遇鬼

甘夫人墓女妖

洞庭詩鬼

鬼登臺

嘒嚙鬼

閨中鬼使

楓橋鬼使

鬼變化

孤山女妖

焦家橋女鬼

陳湖女妖

鬼招飲

梅廣文遇落水鬼

華別駕耳中鬼

鬼生朝奉

張王府基三鬼

醉人兩過鬼

鬼買棺

避煞過鬼

靈山庵鬼燈

鬼磨漿

鬼產叔生

趁鬼船

黃花舍人

繪圖第十三目錄終

猗園第十三

明吳會士人錢希言新謨
宛州尚書郎馬之駿校錄

奇鬼

靖江縣鬼戲

里人黃嘉玉、素有膽氣、萬曆中客于靖江朱鴻臚宅、其家數聞鬼嘯之聲、或在檐下、或出樹頭、倏作耗、一日嘉玉晝臥齋舍、朦朧之間、雙眼未合、忽見一群、尺許短人、自庭中四面而來、有老者、少者、長髯髯者、跛而行者、美好者、奇醜者、凡數十輩、相聚戲于齋舍、取架上雙陸、圍棊、壺矢之屬、共相娛樂、旁若無人、時

嘉玉于隔幃中覩視分明。歷歷可數。心甚疑怪。不能
得眠。乃伺便開幃。舉所臥枕擲之。即踉蹌散入庭中。
黑煙滿地。斯須而滅。起視戲局。還設如故。其夜方就
寢。燈猶未滅。見群魅又來。携燈褰幃而謂嘉玉曰。吾
局鬼戲。何與君事。乃舉枕相擊。一何虐也。言畢便去。
朱家後有空堂高敞。嘉玉從琴書以居。復一日。晝臥
在床。見兩皂衣人移其堂中烏皮几二張。置于牀後。
捧出羹飯數盤。酒三四盞。咸飭料羹羅列几上。諦視
其載一盤黑羊脯也。少頃。掾曹書佐先至。又少頃。見
一人著絳衣烏幘。一人著皂衣革帶。並長數丈。腰大
十圍。相向南面而立。皂衣讓朱衣居左。鋪飯與異生

人頭草、食畢散去、書佐收拾甌噐、亦將行、嘉玉于
隔幃便呼止之曰、適來是何鬼物、豈非土地城隍之
神乎、將朱氏之祖先耶、願留姓名、書佐搖手而去、忽
為失所在矣、嘉玉大呼主人具道所以、明日復移別
院、未幾鴻臚與嘉玉相繼而殂、

櫻金鬼

郭中原京師人也、叔父為中常侍、幸于先朝、因以
為後、中原偉貌美髯、頗習道術、好結納方外士、叔父
死後、遂棄妻子家業、負杖雲游、東渡錢塘、過紹興、至
府城中蓬萊山上、愛其地僻、山名亦美、因家焉、土木
之費悉出己貲、其後落成、人稍有出佐者、雖詣黃白、

然不妄為人談一日山陰王僉某知之逼其下山
僉某僻好鑪火稍積餘財即輸于炭藥之直有別業
在推磨田頭村屋曠寂人跡罕至造一丹鼎命左右
運鑄金鍊器數置于室中強郭鍊合隨身止一童子
七日之外丹垂成矣其夜忽有多人闐然打門連聲
呼郭師父郭不知是鬼誤謂村頭捕魚郎也應聲出
開童子急止之不聽及門開有奇形鬼狀鬼物擁繞
數百擊郭中其腹郭便伏不能復動曰腹痛腹痛童
子掖入中堂氣絕矣僉某俯伏床下不敢動但見鼎
中白雪爛然光焰燭地羣鬼周遭圍守先命兩三
三持器出河邊取水數灌沃之爭執藥銀入腰纏內

鼓噪而出、童子怒、閉其門、有後出者、遂穿屋踰垣遁走、但見黑烟蔽空、其聲啾々而已、良久乃滅、金臬賦性纖穠、因貪而敗、無何亦以鬱憤致疾下世、余聞鬼所使者紙錢而已、不聞有攫金鬼、饕餮若此其甚也、

替人遇靈鬼

杭州城中一人、貧無子女、其妻又亡、憂恚成疾、兩目皆盲、徑出清波門外、將赴水而死、忽聞後有追者、連聲呼曰、莫去、莫去、我當相救、此人回顧、不見其形、但空中作語、須臾便附于肩背云、我靈鬼也、預知人間吉凶禍福、卿能如我所教、日持兩竹筴、坐湧金門外、

為人占候所獲當不貲矣。我日所須亦不過算器酒
食。然非鄉揖而祭之不成享也。贅人改意而還。悉如
鬼教。遂設帳開肆。此鬼立于耳後報之。所言輒驗。鄉
里皆驚。旬日之間。卜者雲集。積累金錢不可勝算。凡
十有二年。鬼一朝告別而去。云生期已至。不得復住。
鄉家笑竟寂然。贅人既無所憑依。遂不復作卜師。

沒頭鬼

嘉靖三十二年夏月。王徵君祥登在無錫城中談公
子志伊家。夜譙荷亭留宿其館。是日炎熱異常。不得
眠熟。五更起。同秦氏諸郎納涼于庭。忽聞街上呵殿
之聲甚急。開門出看。遇官僚節導過。潛于門隙窺之。
遙見引幢持戟擎燈把火執蓋昇輿前後衛從者百

餘人由大街而出西門、皆沒頭鬼也、獨乘車人朱衣金幘、儀容端正、是有頭者、相顧大駭、亟整棹還吳門、明年甲寅倭亂、毘陵一郡殘破、死于兵刃者大半矣、時以為徵君所見、亂之徵也、親說如此、

醫遇鬼

通州陳都憲總督兩廣時、頗多殺戮、後還家、患足腫、日漸成楚、不可忍、延吳中某匠士療之、其病常發、已而復痊、厚贈匠士金帛、遣家隸送之渡江、既入江、船將發矣、忽見岸上跳下數百鬼、蓬頭跣足、攘袂切齒、梓匠士髮而罵曰、吾屬守之半年、敗于一旦、皆汝之

通也。今訴帝得理，并逮汝矣。衆中留一小鬼于船，語曰：汝當速殺老奴。小鬼使跳入匠士口中，匠士冥然仆地。移時方蘇，遂呼解纜，即索紙筆于船中作遺書，未及門而卒。俄而都憲足瘡再發，遂不瘳。

看戲鬼

近年間，松江青浦縣村落，忘其名，有數十鬼見作人形，巾帽裘束，種種不同。又換兩麗姬至，侍從約百餘人，開筵于廣宅中。時會春月，有伶人一隊到村，作劇賽神，晝夜如沸。群鬼便召使般演，第約不許鳴鑼而已。更鼓將動，然後定席。叙賓主，禮畢，首席者點演琵琶，衆皆稱善。唱畢，伶人以厚賞遂出。呈伎四座擊節，兩旁左右點燭換燈，送酒上食，一如人間之儀。演畢，復

既祝英臺買臘脂跳猿諸套數終不散席羣伶厭苦
相預驚疑演如妝長戲天不肯明得非遇鬼乎因出
其鑼擊之鏘然一聲陰風歛起向來主客侍從都無
有矣視庭日已西行筵上餽饌悉是樹葉驗之皆楓
楸之屬乃在人家一墳堂屋中群伶交喚于壁而出

鬼擊道士

萬曆己酉春再直人家設放齋口法食其僧有邪念
既召群鬼不能却退晝夜在家撓亂作耗現身如生
人形藍縷衣瘦黑貌醜惡駭異不可名狀或凭欄而
嘯或坐檻而吟家人于壁隙中窺之聽其声音啾々
如小鳥齊聲共念阿彌陀佛身金色苦惱予買却猶

頭無腦子惟此十七字、日以為常、主人計無奈何、陰遣奴入城、請東天王堂老道士陳鍾、禁治之、道士素精于符籙之術、縛邪多著效、遂詣其家作法事、一晝夜、群鬼悉退、舍美、遂明謝主人、登舟忽見岸上數百蓬頭餓鬼、破碎藍縷、怪狀奇形、猙獰可畏、下舟寄載、不容、便向道士攔抵、謂道士曰、吾屬鬼也、田舍老公多財、合與求食、何與阿師事而驅逐、至是乎、言訖共舉手、搥其頰、道士神癡、歸病三日而止。

鬼籠

遂昌縣黃九陽、為秀才時、白晝恍惚如睡、如夢、見已奔詣先祠、陳設饌品、聚族而祭、畢急歸、中途逢一

人擔兩竹籠子行、諦聽其中、呦：有聲、若鴨、雖然、逼而啟視、則皆二、三寸、僕僥人也、無不遂垢、若楚囚、見黃秀才、爭號泣求救、秀才細認、乃其乳母之子、及佃人族人、咸在高形、並縮小、驚訊其由、擔人曰、吾是鬼使、此曹罪業叢積、蒙怒于上帝、將疫死之、所籠者、實其生鬼、非君所宜問也、便欲擔去、秀才固止之曰、如某者、吾佃人、如某者、吾乳母之子、平居皆甚、無大惡、幸而釋之、擔人不得已、依言放出、秀才又曰、至如某者、吾族人也、併以解網之恩、乞于擔人、大怒曰、吾奉帝命、籍有名數、乃悉聽子居間、將茂業之子置籠于肩、不顧而行、忽驚寤、異其事、命取紙筆疏之、旬月餘

里中大疫後先死者三百餘人族人與焉。佃人與乳母之子皆既危而復起。獨黃氏一門二百七十餘口不罹于疫。州牧九鼎記其事。

牛鬼變鬼

江陰縣張鵬屠牛為業。一夕夢老嫗前告曰：我是汝外祖母也。以平生積業，地府罰作老牛，卒在汝家。明日萬勿聽信人言殺我。特鵬夫婦所夢略同。早起急命勿殺家人已縛之于地矣。述其夢並以為妖妄。鵬重利人也。欲聽家人言殺牛。其牛便下跪于地。兩淚雙流。卒殺之。是日向曉鵬出門暗中忽見一大鬼身如牛形，衝突其胸。鵬連聲叫苦，遂仆地。婦昇入就榻。

覺四肢百骸鐵鋒交刺、楚不自勝、號哭兩旬而死。

百歲骷髏

亡友沈流勲家于婁門、博學通經、以訓蒙為業者。昔年夏月、至陽城湖鄉索逋舍、舟行野田間、會天漸垂暮、蹒跚之際、屢蹶仆地、起立未定、忽聞草中有呼其姓者曰：「老沈、老沈、何為？」日暮独行、以我相隨作伴、可乎？勲怪視之、四顧無人、惟于沙岬見顱骨一具而已。勲知此骨所為、遂奔右足踢棄溝中、唾之而去。其夜宿于徐氏書館、第三日四更起、將乘便舟入城、出門殘漏、辨色尚早、欲就寢、忽遇一白衣老翁、怒髮上指、詬罵勲曰：「我百歲骷髏也、思藉君之精靈以成變化。」

乃忍瘡我于溝中、令君不得入城矣、勲大恠、哀祈之、
先翁曰、聊相戲耳、君宜速去、不得少停、即引勲向西
偕行、至中途、忽與此翁相失、約可大半日許、了不
異平生行處、近望姜閔、隱隱在目、愈馳愈遠、而不到
遇一村人家、皆閉門、無可憩脚處、久之、上一高大石
橋、北有寺、甚宏敞、意為接待寺矣、乃循橋而下、就
視之、大闕、廣殿煥然、丹碧若王者之居、殊非接待寺
也、遂突入焉、但覩人烟湊集、踵接肩摩、或三五成叢、
或六七共語、其中有相識者、並已亡歿、男女大小、千
餘人、見勲至、悄無言語、面面相視而已、勲直前下拜、
之、踰點姜門、各不肯言、內有一新死鄰近婦人、是勲

熟識微笑而言曰、君癡矣、此非陽界、乃問蘇州路耶、
即便送出、勲心益惶遽、始悟所至非人間、因知所措、
既馳出、復登橋遙望、見有披枷帶鎖如死囚狀經過、
甚多、婦人指謂勲曰、此世間行惡人也、勲問曰、善人
何婦人令勲迴顧、見二三人凌空而去、曰、此證善果
中矣、婦人因使寄信于兒、求多追荐、且言不知如何
發遣也、言訖、便將勲推墮于橋下、欬然驚寤、汗淚交
流、已死于徐氏館中、兩日矣、其告主人、為設果饌酒
飯、束藁為舟、載至其地、祀之、欲覓枯骨、取土覆瘞、已
不可得矣、還語新苑婦人家、依言追荐、勲後不二年

而病亡

鬼足代薪

松江張潑山通判赴任溫州攜其夫人陸氏陸故少保完女也既入界未入城數十里日向暝矣夫人疲極思憩驛遞尚遙俄而見燈光隱隱若有人家煙火既至命左右先窺之見一白髮老嫗方擁地鑪煨楮枹一少婦甚美篝灯綈繡還具以報通判謂夫人曰吾上任之期已擇明晨不可稽誤卿可就田家借宿一夕其家况無男子天晚從容入衙可也通判遂與二子先往夫人及二女停車款門嫗與婦欣然出迎坐未定嫗語其婦曰汝留此陪夫人老身去烹茶來獻也婦曰諾嫗便汲水舉火却用兩足代薪推入灶

門焚之、女奴看見、大怖而呼、時從者數十人行倦、假寐、環屋而寢、亦齊聲號呼之^句、二婦與屋廬器物奄然不見、惟空林蕭颯之中、壘壘數塚而已、江陰李誦曾記其事、

討替鬼一

龍陽舒學憲必達、家故貧、其母懷妊時、常汲水江邊、江邊有捕魚人、夜聞二鬼、椰榆曰、明日人來代矣、問曰、何人、應曰、城中舒大娘也、曰、且慢却、伊有舒布政在腹中、恐便不替、老兄也、捕魚人凌晨不開船而候之、見一婦人來、岸邊挈瓶而汲江水、捕魚人連呼不要下來、我為汝汲、急登岸、取其瓶、汲與之、已而詣舒

門客告其姑戒爾後勿令到江邊來未久果生必遠
登正德年間進士官至學憲卒于家其後世廟登
極一夕夢黃龍降于庭口吐大珠上隱有舒必
達三字覺而異之明日蒞朝問朝中有此人否宰臣
對言先朝有之切且久矣上即命追贈舒必達為
布政司左布政鬼言至是始驗矣

討替鬼二

萬曆四年宣城沈秀才懋學以秋賦入金陵僦居秦
淮河上水閣理書至秋七月中元夜月色如晝四顧
闐然忽聞諸次作拍浮聲如人下浴狀少頃一人隔
岸呼曰老兄老兄汝限期已滿當索替矣浴人曰明

日有一帶鉄盔人來替我也秀才于牕隙窺之問者
荅者悉在水中皆蠱髮髀形鬼也大怪之至明日初
午果見有一店中走使頂鉢盂于首將下水洗之秀
才凭欄以去其夜復有月色又聞一人隔岸呼曰如
何不索替去前浴人曰這漢造化被沈狀元喝住今
又要等多時矣秀才心以為祥是年丙子獲雋明春
丁丑狀元及第聲采大振授官翰林修譔歲餘謝病
還不竟其用而卒里人金三枝親聽其說如此

討替鬼三

齊門營內武百戶生子十餘歲矣其家相近北禪寺
寺西有野水一潭此子每詣師塾朝夕必經其地所

隨家傳數聞水次有呼武郎名者異之潭上所居鄰人亦常于夏月遙見小兒出水相招武郎共浴誤謂同學諸兒酒戲為樂耳了不之怪一日此子侵晨詣塾出門十餘步便遣家僮先歸竟自脫衣履于岸側從容赴水而死久之鄰人見其不起奔告父母家已溺死急救方悟呼名招浴並是溺鬼討替其說良不虛矣後百戶痛其子從方士招魂婦對曰兒之水族甚樂不煩親念也又數見形還家覓常所戲弄之物悽咽而去

討替鬼四

胥江上泊一小號船防守盜賊船上兵士常見米肆

中十五歲小兒、每日自午行至水次、不脫衫履、直欲走入水底、叱而去之、如是者三四度矣、其家護伺、唯謹、一日衆方聚食、見兒入水、叱之不及、急呼父母共相撈、拯其屍、乃宛然、仰覆船底、傳言此江中溺鬼最多、歲常討替、無足異者、近庚戌秋事也、

討替鬼五

有某處一士^土神、廟祝夜聞鬼殺、鬼告土神曰、明日有替代人矣、廟祝次日候于河濱、將極溺者、見一少年濯足于河、無恙而返、其夜又聞土神問鬼曰、何不捉替去、鬼曰、其母老、殺之、則母必相從以死、某不忍其

母子俱亡也。明日有婦人來替代矣。又明日復往候之。果見一婦人過橋。忽暴風起。吹其襖。墮水中。婦詣河邊撈取。又不及溺。是夜復聞鬼答土神言曰。此婦有雙胎在腹。一舉手而戕三命。吾豈忍哉。終當更伺良便耳。則又明日之半夜。聞有鼓樂騎從之聲。喧填而至。土神告其鬼曰。上帝嘉爾一念之善。敕爾為此地社神。今與某共事地方矣。

討替鬼六

蘇州葑門外滅渡橋。有某甲每夜于水濱下罾捕魚。更深夜靜。常見一黑色人自水濱出。與甲作伴。甲問其姓名。應曰。某非人。乃溺死鬼也。共君有緣。故來相護。如是歲餘。甲了不為異。一夕告曰。明日當有婦人

過此某擠入水中、便往託生、與君從此辭矣。至明夜其鬼復來、甲訝之、問何得不討替託生去乎。曰：適婦人有娠、吾安忍殺其子母、寧遲兩日可也。又隔數夕、忽來與甲作別、且有喜色、曰：某為放釋、孕婦一念之善、上通于天、今玉帝命某為常熟東鄉一村坊中土地。越明日、便蒞任矣。君可速棄漁業、尋訪而來、告鄉里為廟祝、用兩竹筥以驗人休咎。某當降神于君身、從此可起家也。甲聞言而遜謝、便留設羹醪享之而去。急收拾往常熟某村坊、政見衆人粧塑神像方完、將以鼓樂導引登座。甲具如鬼言、陳說顛卒、衆便留為廟祝。三年之內、幾致千金。忽夢土地神告曰：噫、汝獲利已多、尚不知止、真欲編錢作埒乎。命運漸衰、可

速歸去。我亦依舊託生人間。此位有代之者矣。明日卜便不驗。其人挾貲潛遁而還。

討替鬼七

一說閭門外有女墳湖、俗名沙盆潭、相傳昔者有捕魚人每夜下罾于水、一鬼常坐畔側、與相酬話曰、君是善人、某來相護、如是積時、一夕告捕魚人曰、兩日後有丹陽販豬人過此、某當推入水中、便往託生矣。後兩日復來告曰、此人竟不出、我無計可殺、當是時陽算未盡耳、更兩日有宜與人過此、擠之、某即托生去也。如期果有宜與人過溺水而死、其夜鬼來辭別。

別且囑曰、某去後、君不宜于此處捕魚、恐遭困、兩侵凌、請從此逝矣、言訖遂絕、捕魚人感悟、即棄漁業、出家為道人、募化千金造橋、成、因名度生、三說頗略相似、後二說、並高承先言、

寄渡鬼

蘇城人王席者、家在薪橋、少恃膽智、充縣門游徼、萬曆丙申夏間、夜半從盤門外捕賊、竄行至孫家菜園、去家只隔一小河矣、水不甚深、席便褰裳而涉、時月色微明、忽見所側有青衣美婦、人頭上有花、捧呼乞寄渡、席便應曰、要我負汝去、必着力攀好、慎無妄動、動則跌下水也、婦便依言而登、席即解腰纏緊縛其

婦于背行至半河覺背上重甚心頗生疑乃猛毅叱
曰何得如此我放下水矣婦見其辞色俱厲寂不敢
動已而抵岸解腰纏鏗然墮下一物視之乃是破棺
板片其上綽絳花一朵而已席至家燬火焚之明日
雖跡其地杳然聲響相傳以孫家菜園是吳太宰伯
喆故宅基址至今尚多女妖許國光與席鄰居說此
呼雞鬼

萬曆初蘇州胥門內西察院前近城民家姑悍甚畜
雞數頭為東鄰所攘乃寃其婦竊食捶掠備至婦不
能明其夕雞經而死至今城上中夜數聞祝雞之聲
自迤而遠悠々不絕常有人凌晨在城上行十餘步

口中忽作祝雞聲、後人至、怪問其故、笑曰、前有一呼雞鬼、竊效以相戲、無他也。

鬼哭

庚戌春、松江嘉興諸地村落中、鬼哭者三日、有司以聞于都御史周公、親為余說。

路鬼

吳縣東洞度人金四郎、入西川行賈多年、嘗密藏金六餅于床下、四郎旅次病劇、告其同伴曰、某有六餅、金藏床下、倘死、君輩還語吾婦、以藏金之處、全取之、已而四郎病瘞不死、仍合同伴而行、路鬼聞之、乃入吳徑詣其家、附魂于嫗、向婦作靈語曰、我郎而夫金

四郎也病死途中一年矣。資本並付同伴收訖。我苦
無衣食。游魂暫歸。有金六餅。重若干錢。昔嘗埋于床
下。昨行忘道。此金故應在。卿便可取以備祭享之資。
兼為多製新衣與我著也。婦大驚。便移床發金果六
餅。悉如其言。謂夫真死矣。奔家悲慟。椎結招魂。陳設
靈儀于堂。俄又託夢于婦曰。吾困辱窮泉。飢餓已久。
須多設食以祭。更要錢物行用。望求好紙燒之。婦聞
言。遂市紙數千張。以如其請。如此一年。暮見四郎結
束行李而還入門。頓視靈筵。怪甚。其婦見夫。良以為
鬼也。恍惚立藏。四郎乃隔壁為婦具陳本末。婦遂出
見。方知妖魅所為。萬曆己亥年。余乘洞庭船游渚宮。

長年孫老話其鄰家事如此與搜神記所載費季相
類若非親頃謂之虛矣

鬼相戲

有一窮子住周武狀元坊家事灵鬼龕其像于屋角
中曰夕祭拜祈求致富卒不獲一錢小歲之日鬼忽
憑其婦而揚言曰君命合餒死我亦主如之何詰朝
歲除君于申酉時候可具衫服于道側伺之當有人
載羶餅過君之門君求而得可以富矣窮子喜甚尔
日敬如鬼教自午至晚拱立門外終無所得忽見比
鄰一巨室方延巫祝賽神畢僕御捧出金銀大錠數
盤以草荐之舉火焚于通衢之上有風旋捲尽數吹

入窮子之門乃其錢也黃白燦然悉紙所造窮子方
悟鬼之相戲為入毀龕像自是甘心騎杵不復事鬼
矣

俞生遇鬼

齊門外俞生昌國善書為人豪邁書名既起遂放于
酒色常夜從城西過曠野見一女郎翠袖紅妝資質
妍冶相俛而行昌國訊其居止徐應曰不遠矣遂攜
手自休、菴後穿入海紅花巷口第幾間空宅子昌
國送之入門見室中甚闕未及取火殷勤送別、時
相約既獲邂逅望君時、來看昌國意是巷中角妓
不及叩其姓名隨路而還思之不釋明日便入城消

息其處見昨宵所入之室重門深鎖訊之鄰妓應曰
此中無人近寄一女郎棺亦在耳昌國大驚始悟夜
所遇者鬼也然而想憶如癡每形夢寐歲餘病疫而
亡

竹林冤鬼

處州樊侍御獻可自言其少為諸生時父封公甚嚴
每日課文一篇程督不缺遇正月朔侍御隨拜家廟
失課文字封公大怒問歲朝何以便不作文侍御對
曰夜來一夢甚奇起晏不覓廢業問作何夢乎對曰
見夢具威儀道上行出一城外過大石橋清溪瀟灑
境甚幽雅前有茂林修竹門外有兩白衣婦人持訟

牒跪于道左云求相公洗冤兒遽與收牒叱令兩司
伺候應声而散遂覓封公聞之復大怒曰汝造此妄
言以飾罪過世上有不作文字官人乎罰十五杖族
人苦勸解之後十年侍御巡按某省過一處恍如夢
中所遇之境其時果有二白衣婦自竹林出啣血齋
冤乃是一主母一侍妾訐其愚叔謀死夫主復欲賣
此二婦沉憤者十年往矣其人死之年月日時具在
牒中按之即十年前所夢之除夕也侍御還衙即批
行其牒于藩臬二司會鞫明日二司入見侍御具述
當年所夢立止大辟覆盆之冤自此雪矣無何侍御
攬轡觀風還經其地是日薄暮月色微陰恍見竹籬

外有皂衣人跪于帷前、向侍御拜謝、遂聞擊額聲、命
停車訊之、微忽不見、始悟是冤鬼也、黃州牧九鼎親
見侍御說、

蛇辯鬼冤

雲間張明府肇慶為江西萬安縣令、一日坐堂皇視
牘、有蛇蟠于案前、吏胥逐之不去、張遂停筆曰、汝為
何人、辯冤可入獄、自取其人、即遣吏隨之詣獄、果至
獄門、蜿蜒而入、望見某囚、遂旋繞其足、吏便呼與俱
出、案上所視之牘、即其事也、細推訊鞠、竟與冤鬼清
雪、既而薄暮、有厲被髮血身、膝行前謝而去、左右識
是冤死者、丁未年事、

痘鬼

王武庫世仁之孫四歲乳名升官夙慧非凡壬子春
遇一患鬼初因暗髻髻見形如人散面赤髮偏身黑
色稍類世間粧塑魁星狀家人遂呼為魁星其孫始
見時大驚怖噉噉狼籍遺溺不止爾後漸々狎玩與
之俱卧起便不去矣時武庫方居母艱長君秋試期
迫心疑魁星降臨亦吉祥善事戒勿驅逐常呼其孫
喚魁星入書室來孫云已在此矣東行西走亦無定
蹤如是相徵逐者半年而長君下第後其孫抱痘竟
不起声跡始絕乃知患鬼即是痘司鬼神來攝小兒
或云是死于痘者來求受替也

鬼相語

萬曆壬子蘇城某甲、五更出盤門外村坊索租、是日
天有甚霧、忽見一人自後追上云、與君舊識、作伴同
行、何如、甲果曾識面而不記姓名、答云甚善、因問甲
欲至何所、答云欲至仙人陪、追人言我亦欲至仙人
陪、與相語次、所言並是亡物過人、甲方悟其已死、唾
之云、君是鬼、何得共我行、言未畢、又見二人自後追
上云、此人果是鬼也、君莫與談、我輩作伴、公行足矣、
使共酬論、皆田舍桑麻場圃之事、良久、霧雖未消、天
已垂曉、二追人欲辭、甲先去、甲謝云、頃非君等作伴、
幾為小鬼迷惑矣、二追人云、君謬耳、我輩独非鬼耶、

便合手拾草中糞亂擲甲面、渡水而去、咋々有聲、漸微而滅、甲頭而悲、被污壞、狼狽前行、里人哀累休言、

桃源澗遇鬼

萬曆壬子四月、常熟東門老儒錢承之子某乙、常與同縣某甲親熟、甲死八日矣、乙不之知也、一日忽遇甲于北山桃源澗石上、兩人攜手對坐、共叙別甲話家事、歎歎不自勝、同游半日、分手而散、乙入城、天向暝矣、鄰舍子訊其何處、徵逐、歸及暮、采荅云、與某人共話于北山、被伊貽累家事、不覓、歸、鄰舍子大驚曰、此公死八日矣、君尚以為人乎、乙愕然言其狀、貌與服色、真此公也、心甚疑怖、偕鄰舍子馳還、推驗

果爾經年不敢出門、憂其及禍、後竟無他

甘夫人墓女妖

四川夔州府治有鎮峽堂、相傳堂後有蜀先主甘夫人墓、在焉、每春月天陰月冷、即有數女郎出游、美麗非凡、或着金泥帔子、或着生白練衫、或着丹繡襖、媚動人、見者輒為所祟、太守舍中不安、因塑玄君像鎮之

洞庭詩鬼

正嘉中西洞庭包山之東、灣茹家園中、有鬼能詩、言人禍福、驗俗呼為風流神鬼、又自称終南山道人、與人飲酒、相對酬酢、詠諧謔浪無所不佳、其詩曰、自

入空山歷歲華幾經葉落幾經花諸君問我原蹤跡
太華峰頭第一家洞庭秋水碧玻璃日浸東方月浸
西萬里紅塵渾不到可能着我道人栖瞑烟一抹起
山城近照林間石壁晴多少樓臺斷倒景獨容仙客
看分明歲餘別去不知所向留青別札載其詩尚多

鬼登臺

常熟徐司空子鴻臚藏鏹百萬為第三郎所覓萬曆
癸巳四月廿一日潛遣奴賊王結中朱明徐祥朱顯
等四人操蔑刀扼鴻臚喉幾斷憤取之僅得六百元
首飾一箱次日敗露獲送于官三郎冒破千金逆謀
遂寢尋維結巾遠遁而擒明祥顯等三人悉殺死之

其事甚慘、鴻臚不知也、及後十年而復敗露、當事者
乃舉其事、歸之于兄昌祚、由是閩縣之人無不稱冤、
蓋昌祚雖窮、究極惡罪、止沉妓、况癸巳夏、方參選都
門、未嘗躬行、弑逆、鴻臚之事也、先是、鴻臚疾革、三郎
又投以毒藥、既仰、移時、便絕、名醫沈楠、從樓窓下逃
歸西閣、是日、鴻臚白書見明、祥顥等三人、並著鎖械、
來至床前、守之云、郎君昔枉見殺、訴天得理、先取府
君、鴻臚謝曰、枉殺汝曹者、名儒兒也、何為罪我、衆曰、
郎君運數未衰、某不能動、今府君祿與命絕、故先得
報、其夕、鴻臚死、自爾後、三郎每當月夕、置酒層臺之
上、與群姬會飲、夜闌人靜、籠月曖昧、輒有沒頭鬼、兩

兩三、各手擊其頭、攀臺而上、將廁中草糞、紛紜擲入飲饌中、三郎悔懼、多以家僮執械自衛、一夕鬼用手格其械、三郎呼而詔之曰、汝頭鬼且去、我當薦汝汝也、羣鬼遽于臺邊切齒作聲、告大家云、莫笑、濃沒頭鬼也、即君之頭、亦寄于頸耳、左右驚呼奔走、復倒入于地、奄失所在、三郎後遂拆毀此臺、命僮師之流、造五郎賢聖總管諸神為木偶、劬其眉目、施以機械、使能坐起、奉祀樓中、以厭禱焉、而淫妖亦大作矣、雖工預雲是夕宿于臺下、幾怖死、目擊斯異、

嚶塘鬼

數年前、嘉定縣嚶塘鎮有木工從城還、行經塘上、去

家三四里未遠天陰晦際暮木工肩負一織一襪
中束縛斧裾繫鑿之屬忽二狀怪鬼衣衫藍綫踢踢
追上呼木工姓名殺甚微木工迴眸視之察其非凡
佯為不應俄而漸被追及一鬼奪織一鬼隨後有似
相助木工堅持撒柄固不放良久力乏不覺被奪於
是解襪中示具次第斫擲前後二鬼便共次第引手
取去手亦不傷斧裾繫鑿之屬無一存者唯剩空襪
繩多斷絕還欲來取木工終不肯畏之併力與鬪不
勝却被擒胸相拖渡畊塘頭面俱敗衣衫並着泥淖
迷悶至明方醒而所奪之物一一散置岸側且行且
拾都未有遺木工後亦無他戚伯堅說

關中凡使

嘉靖丙寅蘇城陸聲子張店于西閭門外安泊商旅
歲除日忽有走差使者馳馬驟至稱是關中人約新
歲有公事須往杭州是夕無故暴死手足僵冷鼻氣
已絕店人大小驚惶不成家讎明日告於鄉里共發
囊視之中有無數帖子具載追攝人姓名籍貫而字
皆若符篆不可識又有細繩子數十尺此外更無餘
物衆皆大怪之遽歛結如故會頃見一小胡頭乘驢
而至約長三尺已計來觀使有馬鞍在門突入店中問
吾主安在衆攔而出胡頭曰得非死乎衆聞其言又
大怪之胡頭笑曰某在無憂也第慎無驚不出三五

日、當復活耳、店人叩頭拜謝曰、誠如尊教、闔門幸甚、遂止之于後小閣子中、具酒食湯沐甚謹、至第二歲日、鄉里具白其事于官、遣吏率伍伯檢看之、胡頭不許、請以五日為期、至第三歲日、使者果魁謂店人曰、相累不淺、但汝不宜與衆妄聞、吾囊得無漏泄乎、店人翁媼亦惟有叩頭拜謝曰、死罪而已、頃之遣吏復來、使者便隨之去、入見吳縣令、問其何為、猝死對曰、某非陽世走差人也、實伏鄴都驅使、因奉冥王命、追攝死者、徧歷閭洛齊楚之間、以至于斯耳、令大驚、便問追攝汝中何人、對曰、無幾也、杭州止二人、猶未徃取、蘇州止三人、僅錄其一、問彼二人何為不錄、

有姓名米曰、有一人是山東籍、姓張名鎔、住北潼子
門、花柳行戶人也、一人是長洲縣籍、姓方名古、住齊
門、親禮僧相人也、所以得免者、張家現在寶林寺中
禮梁皇懺、方家亦在北禪寺禮梁皇懺、以功德最大
昨蘇州府城隍移文、冥府、着某罷追、今須往杭州去
耳、令亟使人推驗、無差、益異之、賜以資斧、拜辭而去、
自爾蘇城緇白貴賤、無不崇信、像教慈悲懺法、日漸
大行、

楓橋鬼使

嘉靖末年、蘇城南潼子門編戶陳世仁、與弟世倫、早
起步行入支硎山、祝釐觀音殿中、出門十餘步、有二

人隨之、作伍伯粧束、問世仁兄弟何往、曰、入山了香
願、二人曰、我輩亦有公事、往楓橋、便請同行、酬答往
反、皆言里中亡歿人事、頗怪之、既至楓橋、而二人告
辭曰、吾欲入此人家、不得追陪前路去矣、世倫視其
指顧非凡、因與兄潛窺蹤跡、此家住寒山寺東第三
家、尚未開門、忽見二人于門縫中冉々而入、其黑如
烟、奄然不見、世倫便折楊柳一枝、以誌其處、時天向
曉、急入山中、瞻禮菩薩、而還至寒山寺前、日方過午
則此家已挂紙錢於門矣、乃知二人是鬼使也、世仁
自此持齋為道、民諷經念佛、以終其身、子文綱親說

男變化

齊門外西匯上木行、主人潘猷自言其十二歲時、一日凌曉下鄉、徵索客帳、忽于馬路橋下踏着一死鼠、啾：作聲聽之、是鬼嘯、既至前、忽變為雄鴨、又作鴨聲、急趨逐之、既及、唾之、鬼便渡河而去、復變為羊鳴、數聲遂絕。

孤山女妖

萬曆壬寅、明州聞莊簡公之來、孫某、弱冠、美風調、搗其姪、才十五歲、同詣杭州路、遇姚江秀才呂生、傾蓋相契、遂同寓西湖孤山、寺傍一古館中、前即張氏梅花嶼、及水仙祠、有短垣隔之、宋人詩一盞寒泉荐秋菊、處也、時值秋夜、暖月朦朧、鄰鐘響、斷兩生頗工吟

詠徘徊于庭、忽聞垣西有婦人笑語聲、俄而履跡漸
近、清香襲衣、啟扉伺之、遙見三女郎自樹影中來、一
着冠、年稍長、其二則綰肉髻、垂鬟如鴉、皆麗色也、褰
帷而入、直抵寢所、就床坐、與聞呂溫涼、各擇其偶、顧
諧伉儷、着冠者笑曰、汝兩人已作鴛鴦配、對而我獨
無、目指聞生之姪、謂曰、終不然、而汝黃口兒為我伴
乎、我安用此、當往尋水月上人笑言訖、即先辭出、二
女郎相顧笑曰、阿姊意不美滿而去、我輩且為樂也、
兩生驚喜、陳設薄具、談笑歡娛、滅燭解衣、雙袖婉婉、
四更後別去、問其姓氏、居止、不答、但執_手依_手、曰、非久
相期、慎勿弛于人也、下階數步、如霧濛花、行於殘月

中無影心竊怪之既去歛爾而滅陰雲四垂淒風颭
至月色既隱景物慘人不覓窓戶軋然兩生股慄方
異其鬼妖也然亦頗慙于心精授兔與宛轉不寐明
日起視但見樹深雲亂水流花開香無行迹邂逅水
月上人自靈芝寺掠湖而至竊話夜來夢見一麗人
求偶某不肯從絕與兩生所見年長者無異語及大
怪共為歎歎旬月之內三人相繼病卒水月者故楚
中少年僧也豫知亡期囑備後事中秋夜忽謂其同
衣曰前生之冤業至矣辭別親友自題神主而逝祝
秀才良柱與聞呂善而黃州牧九鼎又與水月善兩
人具說頗相合也

焦家橋女鬼

常熟城中居民、開錢肆于焦家橋側、近其婦輕蕩喜淫穢、散播于中外、夫不能容、逼令自盡、遂抽其領巾縊死。後、即殯于北山下、月餘矣、里中有少年某甲、容貌甚秀、獨處于室、此婦人白晝現形如人、往就之、狎甲、徵其家安在、曰、卿常往來兒家、乃佯推不認、取甲說之、遂誘而藏于室中、日常飲食起居、粧梳鍼黹、與人無異、背燈繾綣、妖態橫生、旬月之間、相得如伉儷、後為鄰姥取火、逼視之、問是某子姓娘子、昔已死、那得至此、婦怒曰、謂嫗是生人、何為作如此問、謂嫗是鬼、那得白日入生人家、鄰姥惶遽反走、乃不敢言之、其夜婦人與甲叙別、曰、為閭巷所窺、不可復矣、妾暫

還終當與卿為歲寒之盟耳相與歡飲四鼓辭去還
復至少年某乙家乙亦冶游裡處忽聞扣門甚急披
衣啟視見女子隱身而進乙戲問曰家在某處宵分
未此婦人偽泣而告曰兒家近在城北夫死貧煎兄
嫂遂有言語相及斥逐于外欲暫寄留乙喜極擁之
入幃見其容姿韶令舉止綽約脩極款昵踰于琴瑟
如坎積三月矣乙一日早出婦人朝梳方竟不及閉
門忽見前鄰姚嫂突入舍中又數目婦人不已良久
婦人詭而罵曰媼老悖不死強與他家事又當作鬼
話耶姚怪怏急趨出其夜遂與乙啗臂而別同穴相

期、乙愴然送之出門、見掩袂北去、疾如飄煙、瞥然不見、心頗疑其非人、然每思輒廢餐寢也。歲餘、二少年與鄰姥後先淪沒、並收妖淫所為、家第提竊話于余。

鬼招飲

萬曆癸丑八月初六日、蘇州閭門外洞涇橋內役夫錢忠入城至盤門新橋弄游中探親、其家設酒食餉之。忠既醉矣、別去。天色已晚、行經胥門、忽見一亡過識人周三、捉忠臂相勞苦。忠曰：「君死既久、何得至此？」周曰：「我故在松江營小貿易、未嘗死也。忠遽信之、欲拉入酒肆中飲。周曰：『敝居咫尺郊外、肯惠然偕往一醉乎？』」便掖之而去。忠亦不覺出胥門、相拖渡河西行。

隨至一處皆高門廣舍棟梁華整似是大姓家但陰
慘異常不知何地周設具飲次先有二人在焉見思
至相與揖讓而坐奉杯使云好酒用拳作馬立角勝
負痛飲狂歌宵向分矣忠苦欲辞去三人便從座起
拾草積間瓦礫糞穢紛紜亂擲忠頭面俱被傷損盡
力捍拒連呼救命者三時籠月曖昧寂無人蹤偶有
圃人故是營中小校聽見荒墳內號叫以為盜也持
戟投火奔突而來見三鬼面目可憎共捽一人頭髮
氣息奄奄命絲將絕圃人與力大爭尔乃得解三鬼
於是捨去須臾聞在樹林中嗔恨非常圃人近前細
認乃即鄰黨錢忠遂首垢面滿口污泥問其故具說

為諸鬼因辱事狀、看所見屋宇、處並高丘深墜、一時嘔出泥漿、數升、方知所飲之酒、皆溝中泥淖也。

陳湖女妖

蘇州城中大雲坊姚生邦盛、年少善鼓琴、萬曆己亥八月十八日、放舟掠陳湖而東、投于顧氏莊客高家莊、客面黃少髭鬚、里人呼之為高太監、生是夜宿其堂西偏之書館、携琴向牕、下自彈、果背灯于閣板、上而寢、戶已閉矣、忽見屏後閃出一婉媚婦人、年可二十許上、衣生白練衫、下束鴛黃裙子、時月色甚皎、儼然相映、婦人手中抱一金漆粧合子、輒移燈置几角、從容綰髻、揷簪、作晚粧、竟仍取櫛剔梳、安放合子。

內忽騰身就寢。生初見其迴動輕飄，有殊生人，以被蒙頭，不交一語。婦人顧而笑曰：「郎害羞甚，何無男子氣乎？」兒湏臾，却燈來也。急起吹滅，解衣登牀，生撫其身，甚柔膩，亦不覺是妖鬼。便與交歡，了無他異。徵其名曰：「主人有太監之號，絕人道久矣。」郎豈不知兒即主人之妾二娘也？纏綿至曉，奄爾不見。生甚猜疑，乃私于捧盥者曰：「宅中有二娘乎？」是主人之妾耶？捧盥者曰：「君安得問此死鬼？」往以中遞紅絲，大家逼令自縊。死且五年矣。時見形祟人，夜來得無有佳遇乎？生大駭，亟謝在客，整舟而別。癸丑十一月廿一日，祁威自言于嚴邵武座上。

梅廣文遇落水鬼

蘇城磚橋西有落水鬼呼人姓名應之者必溺死夜
深人靜便起行橋上如着木屨聲看則滅去萬曆丙
午冬府學廣文宣城梅守履忽病狂性理錯惑如有
溺鬼一夕感衣冠而出向東疾馳盧兒灶養並跡其
後轉近磚橋廣文謂左右曰暫迴避前有官人儀從
來也衆視寂然轉盼之間瞥為不見廣文直走橋西
赴河死矣計府李至橋相去三里許陌曲折先不認
識而竟走溺于此豈非鬼為祟乎諸生蔡士順說

華別駕耳中鬼

梁溪華別駕善絃博古嗜奇詩才清靡與弟善述齊

名中歲投閒善談仙鬼後方士縛樟柳神戲學耳報術後悔不肯竟去為此鬼鑽入耳中耳遂以聾終其身不能聽

鬼生朝奉

三十年前休寧縣某鄉鎮有姓身婦人未屋此婦人

此婦人未屋此婦人

既滿十月腹內兒生日現人形持錢詣餅肆買餅飼兒如此積時餅師夜開櫥數錢中常雜冥紙一片在焉怪疑婦人是鬼候其復來取錢另置仍與餅迨暮視其錢化為冥紙矣明日至與餅訖隨跡其後都不見門巷但有殯屋漸聞小兒啼聲轉近婦人奄然而沒于是還集等輩同往驗看乃棺中婦人形體如

生脚後坐一孩子是活者餅殘尚未尽也共相惋悵
抱歸肆中月餘有少年來肆寄坐見兒狀貌問故餅
師具說本末少年驚曰此是上妻殯宮也呼其兒
使撲入懷中因大慟持去後成富商同旅呼之為鬼
生朝奉笑

張王府基三鬼

蘇州府治東張王府基偽周齊雲樓故址也基東西
皆敗垣積潦天陰月晦怪魅往來而出萬曆甲寅四
月夏候橋役夫金乙夜行逢鬼先問乙是誰乙曰
我乃人也還問汝為誰鬼誑之言我亦人耳乙時已
醉見其寡髮敝衣叱曰人甚可憎鬼大怒便裂目吐

舌牽乙袂去共入壞坎中乙恃力與相鬪鬼便揀臂
毆之鬼下拳其勢極重乙還以拳其脇竟甚輕頗
似煙氣乙乃罵曰汝鬼也何誑我而言是人鬼曰身
實非人聊相戲耳乙笑謂鬼曰汝止有兩手那得偏
擊我鬼曰卿為我少助耶乃伸手招引須臾缺墻下
復走出兩女鬼來助前鬼毆乙投擲瓦礫力勢更極
乙疲頓不堪其苦傍有一白衣老人策青竹杖至指
謂乙曰西南角上當有燈火救汝何足憂也言訖不
見乙遂狼狽而行強于路次訪人烟步未十數依稀
認是管憲使家監所居款門不應遂疾走出街西少
頃前有燭光漸將咫尺近視之果是憲使之子秀才

管珍自西昌聽講還宅乙呼救且急管遂止言呵叱
鬼稍退避管問乙曰鬼安在矣乙曰去矣于是命二
蒼頭挾之婦乃許未日戌時解食荐度向晨遣視乙
尚冥然如中惡狀肢體悉被擊傷至暮管為具酒炙
置榻側燭紙錢與之食頃使安管珍自說

醉人兩遇鬼

蘇城葉甲因過盤門婦家迎婦不歸設食飲醉極夜
而還遇一姝麗婦人年可二十許抱三歲孩子同路
前行甲驚悅將其燈忽先忽後微挑之曰夜深矣何
為徒行婦人曰何與君事甲曰某以燈照步可乎婦
人默然便共狎昵媚言交至相謔而過吳縣西橋從

名馬蟻窠已是二鼓、忽見西皂隸手持文書繩索貌
甚雄異、叱去抱兒婦人、呼甲而語之曰、此是案人妖
鬼、何恋之哉、甲惶惧不知所措、西皂隸曰、適有公事
過北城、無火、鄉持燈送我去、當得酒食、今宵不落窠
也、甲醉思歸、未許諾、西皂隸張目、揀袂遮不聽、立扶
甲兩腋、逕曳將去、桃花塢中教場、盡處其疾如風、既
至、留甲于門而入、曰、願少踟躇、甲疲極、便溺然而睡
少時、聞舍中哭、責始寤、尋有被髮少年出、投水盥紙、
錢于門、見甲、語曰、尔非賊乎、家有老公新死、有何相
奉、而中夜守伺為也、甲大慚、唾其壁而返、馬蟻窠在
城隍廟前、始悟西皂隸是廟中冥使矣、

鬼買棺

太倉州沙頭鎮相去鎮三五里村名新洋有編戶謝甲為人美鬚髯而行多不謹萬曆癸丑春三月一家長幼連甲十一口悉病疫甲死妻孥相續而亡計坊者九人矣止存二老姬呻吟在床中外宗姪入其門問疾者並見兩疫鬼朱髮青面齒如劍戟踞立于門左右各一震慄狼狽却走所遇無不染疾而死于是經月閉戶枕屍狼籍莫敢收之忽一日謝甲鬼視直走出沙頭鎮上坐于凶肆與僧人對共計校解下腰纏展開大小銀錠共秤見四十二金以六金有奇買棺九口別存半錠握置掌中餘銀結束于腰如故俄

喚船戶朱大郎將所買棺逐一舁入船中安置皆畢
叮嚀語云汝可載至新洋村裏到一處門臨清溪宅
舍高麗旁有竹林廣可數十畝問是謝家即便舁入
吾先沿岬而行矣因出握中金半錠露示大郎且云
有直之資悉取諸此無憂也大郎依言載去既到新
洋村裏轉入聚落委有高門廣宅嘉林美箭推驗識
家一二無差焉但悄不聞有聲響心謂可怪因測所
由便排扉突入經三四重門已是卧內滿地死屍寂
無人跡數之大小男女果是九人而長髯謝甲買棺
鎮上者亦與其數焉諦視之腰纏如故握金半錠宛
然在也連呼異事異事亦莫出應久之傾聽微似有

人喘息遂歷東西二廂就看徐聞人應西老嫗臥病
在此客何為者叩其主人翁殞死已一月矣大郎是
持長齋人高声念佛而出則遇見前兩疫鬼匿身
于壁角中大郎熟視其醜狀便罵之曰業畜業畜枉
害人命無數尚不去取言已兩疫鬼倏然遂滅大郎
自料棺無着落乃捨其船前走村中遍訪于人尋求
謝氏之婦兄表戚某輩相與登此殮此九人而二
老嫗有時亦能強起言動方知疫鬼已消發其屋棟
截銀二千餘金驗之悉官物也大郎不敢取竟回船
沙頭鎮矣沙頭人喧傳鬼買棺或云其屍能自行也
陳竟生沈公繩共附載朱大郎船親聽其說

遇熱遇鬼

歙縣西林村書生程宗亮館于所親家婦病危殆家人報婦其直望林頭伴宗忽見病婦面倚枕上笑長犬餘驚集老少看須臾漸：縮小呼其婦醒都無所知婦亦少時而止停數日俗忌避熱宗亮飯畢便詣合田訪友將避于其家因不相值悵然良久行百餘步過一古廟便走入避寂無生人惟左壁角有寄棺一只俄見棺上立一奇形醜狀之鬼長齊屋棟宗亮大怖急俯身作禮謂曰鬼欲橫相害乎立如故若無他意請滅其形鬼于是蹲踞而坐時方盛暑鬼乃袖中出一畫紗扇子搖動自如向宗亮哆口而笑了不

異宗亮遽走出廟行又數里到新橋殘溺溪邊俄又見溪上無數皂衣小兒其形忽長忽短擲榆宗亮共拽其衣或拾草間糞穢來擲宗亮方為所困奄有青衣女郎手提一珠紅合子青繩纏縛來助宗亮共驅諸小鬼諸小兒各散為黑煙而滅宗亮頭面傷損衣服被污女即便挈上橋二人相與偶坐橋上解開繩結啟視合子中取出荔枝龍眼饅餠鮓子之屬適與宗亮宗亮謂是大家青衣探親而返初不疑其非類也然又不敢遽食一一細諸袖中女郎笑曰措大郎君不啻珍異將懷歸餉其婦乎宗亮亦笑而應之往反數十語女郎穢言狎至直前抱持宗亮身如烟

霧宗亮方大駭異狼狽而走被追逐五里許望見里門逡巡解散既去聞詬罵之聲不絕出袖中果食視之並是楓楸梧梓葉也病數日方起汪大儒說

靈山庵鬼燈

歙縣西北三十里有靈山：上有報德庵是丞相李善長讀書處至今道場不廢相傳每歲七月十五夜僧徒作蘭盆佛事設放燄口甘露法食看人無數並見鬼燈數千百點熒々然作青綠色自遠而近即之漸去避之復來積年如此有人撲得一燈乃是一莖枯稻草莫詳其所由變化也

鬼磨漿

萬曆年間、越西衣冠家奴客作橫堂、因收市租錢不
得、致賣漿夫婦二人共斃、屋遂無敢復賃、或寄宿、輒
多遇祟、局閉十餘年矣。一日衣冠獨步門外、忽聞空
屋中窸窣聲良久、怪之、以手触屏、呀然而開、見故賣
漿夫婦二人方共推磨、漿悟其死也、惶遽却去、集
衆視之、都不見、未幾感疾而殂。

鬼產收生

萬曆癸巳、吳江縣八尺鎮、有收生婦王氏、姑媳二人
在家、將寢、忽聞近所有擺船聲、遂巡叩門至急、云喚
收生、取火視之、二少年也、便乘船載至太湖灘上、詰
主人姓、是舊族吳氏、入門、見高堂廣廈、燈燭輝煌、新

婦生壽年可二十餘免身生女合家稱慶遂設酒饌
留姑媳共食贈錢而出天際曉矣回視都不見夜所
經處但有雙墳拱赤二人徧身香泥手文血污摸袖
皆得紙錢

趣鬼船

萬曆己亥九月蘇州許墅閨隸人馬敬住胥門外朝
出暮還其日五更搭船赴閨忽有艇子攏岸呼敬共
行詰之答是同伴陳牌敬忘其死矣倉卒附載行至
董公橋舊名便挽而進遙望燈燭光交是小姓家譙五
郎陳牌先入語敬且停少時便攜出甘果酒餚一席
二人偶坐道邊餚饌都盡陳牌復入又少時便倒負

一老公出、頭在下、足向上、若筮豕然、散大駭、俄聞內
啼哭聲、有若新死、迴顧水傍人、與艇子都無見矣、忙
挈酒甕、食器送還其家、見一群細弱、方村尸啼哭、爭
唾敬為盜、露其膏符示之、乃信、敬自此棄役、持齋、今
為青楓亭中行者、

黃花舍人

吳郡士人召孔仙、至、署曰黃花舍人、問其坊曲、氏
族曰金閭王氏子、因與里中黃生遇、春歡好、又一生
愛插黃花、人呼為黃花舍人也、問鄉是大死耶、曰某
年十五而夭、問生安在、曰相繼亡矣、今某與同寢處、
若人間伉儷也、衆公下壇、詩曰、憶黃郎、嘗贈小曲、每

句以想殺憶起、余亦有答請誦之、遂題曰、忘不了對
攏雙袖、忘不了佳期、月下偷、忘不了柳、遮花映黃昏
後、忘不了羅帳綢繆、忘不了紗脫風雨、清明候、忘不
了多病、心情懶、下樓情、語繁多、旌不脛、錄詞訖、遽求
去、問何忙、迫如此、曰、黃郎候門外久也、問何不與俱
入、曰、某吳兒、已作半天游戲、阿郎未離鬼錄、那得來
此、寂然無聲、竟不知何風流鬼也、孫胤伽喜述其事、